

龍溪縣志卷之十六

人物二

明

名臣傳

陳天定	楊聯芳	吳玘	魏富	潘榮	劉宗道
魏呈潤	韓濟	蔡文	黃熒	郭舒	陳汶輝
鄭崑貞	鄭懷魁	吳善	陳惠	林同	汪凱
	馬鳴起	蔡應科	林魁	陳宏	謝璉
	林鈺	謝彬	洪異	沈源	周宣



劉宗道名顯以字行少徃三山從趙彥進遊脩程氏之學洪武十年以秀才應召時廷對八十餘人宗道策居第一直學士詹徽置宗道德行科遂與趙肅申甫皆以布衣侍尋拜都察院左都御史時有狂人入座詔求直言宗道條上格君心澤民物二十事帝嘉納焉每侍食華蓋殿議政多譏切遂爲邵質董希賢所構徙南詔旋赦還所過郡邑持之宗道因遜於播州以待朝命帝疑宗道久不至命索於家都察院取其父寶詣京面對寶泣真索宗道至蘭陵卒後有詔復取隣戚命與朝使索於蜀於詔務尋宗道乃止門人

陳拯至播州遇宗道告以父故宗道哀不自禁至武昌赴水死宗道之學以禮爲宗凡脩身齊家以及於鄉率以禮鄉人稱爲愛禮先生著有文集十卷

陳汶輝字耿光將軍元光後也幼通儒學於書靡所不窺稍壯南遊越北抵燕歷衡陽瀟湘而歸隱於越明太祖之渡江也屢徵不應太祖旣平天下乃以經明行脩應詔羣臣較學行汶輝居第一時朝廷法律森嚴同進者咸悚懼乞歸惟汶輝條陳十事詞氣英爽授禮科給事中按視蘇州還奏吳松貨食征稅元末僣政乞一切除之時帝好釋氏吳印華克勤之屬皆

拔擢至大官寄以耳目由是其徒橫甚汝輝疏言古
來文武並用所以靖禍亂緩太平也今縉紳僧釋雜
居同事勲舊耆德咸去位而縉流檢夫乃益以譏閒
劉基徐達之見猜李善長周德興之被謗視蕭何韓
信其危相去不遠府生太學生之斥視宋詠檜貽譏
之逐能幾何哉伏願自腹心耳目以至啓行喉舌之
司皆處以德行文章之彥則天下之賢才可收而治
功可成復請法程灝所陳十事帝以爲迂不用也汝
輝因自劾復不許未幾補大理丞蜀有張廉使李知
府之獄因言二人非有過惡廉使知府須積次起羅

人才非旦夕可致當念得賢之艱少加愛惜奉詔卹
刑山東浙江轉本寺少卿李善長之獄汶輝嘗力爭
之及善長死太祖思汶輝疏遣內臣召入賜宴厚賞
賚及其三子山東廉使張某鞭笞內戚太祖欲置之
大辟汶輝封還御旨太祖怒遣指揮押赴刑部過金
水橋賦詩一章自投橋下死時年九十餘矣太祖尋
亦悔之自爲文諭祭賜葬鳳皇山著有南臯集

汪凱字堯寧永樂癸卯鄉薦第一甲辰成進士授禮部
主事撫湖湘之饑終浙江僉事以清介聞凱豁達魁
偉善屬文其在浙也懲奸激濁不避權勢浙人思之

謝璉字重器宣德丁未廷試第三人除翰林院編脩從
謁長陵獻陵對述稱穡間闢利弊甚悉丁艱服除起
故官與收宣宗實錄及會典聖鑒日歷諸書因災異
請出宮人又請赦諸無辜及除連坐法遷侍講正統
十四年上言時政十五事論石亨不可專任尙書于
謙知軍旅老臣胡濙堪付託事後若懸鑑焉復上其
議於朝築龍巖城建守禦秩滿陞南京戶部右侍郎
創便宜六事明年兼掌兵部務時戶部郎陳秀坐誣
下獄璉力爭之秀得釋景泰四年以疾卒於官詔遣
中使莅喪賜葬祭明代翰林論朝政自璉始著有奏

箋百餘卷及玉堂藏集

周宣字政舉正統乙丑會試第三名授戶部主事時車
駕北征糗糧芻茭咄嗟立辨出知潮州府脩文廟葺
韓江橋築海堤海寇黃于一等刼揭陽縣二十四村
民皆從之宣督兵擒殺其魁詣賊壘撫諭賊乞降因
遍歷各村釋被擄男婦及招撫良民千餘家山賊羅
列寧等刼惠州宣出不意破其巢穴時湯田黃寨等
處皆從賊省臣欲乘勝盡殲之宣請脅從者罔治全
活以數萬計賊平調惠州潮民赴關上疏請還宣不
報亡何海寇復起攻城殺通判指揮城門盡閉當事

從民情後檄宜宜至開城門納逃難諸民下教約曰
招降至期賊駕數百艘皆執輪勁裝宜曰若欲歸正
何爲備爾卽皆投戈羅拜宜單騎詣巢遍歷二十四
村慰諭歸所攜七百餘人賊旣約降猶團營結寨如
故宜告當道曰賊欲降而猶豫衆不爲用矣遂一鼓
殲之潮地悉平事聞遣官賞賚陞山西行太僕寺卿
賜三品俸丁母憂卒於家宣少有文名家身銳學或
行路潛思不他矚遇所意恆輒笑不止人以爲書痴
其爲詩文多出新意自成一家言所著有易齋稿若

千卷

潘榮字尊用正統十三年進士犒師廣東還除吏科
事中景泰初疏論停起復抑奔競數事帝納之尋進
右給事中四年九月上言致治之要莫切於納諫比
以言者忤聖意諭禮部凡遇建言務加審察或假以
報復具奏罪之此令一下廷臣喪氣以言爲諱國家
有利害生民有得失大臣有好惡何由而知況今巨
寇陸梁塞上多事奈何反塞言者路望明詔臺諫知
無不言緘默者罪竝勅閣部大臣勿搜求參駁虧傷
治體疏入報聞學士倪謙丁憂謀起復榮疏斥之謂
三年之喪古今通義謙聞報日久逗遛京師意圖僥

倖經進風化所關豈可使若人列侍左右天順六年
使琉球還遷都給事中成化六年三月偕同官上言
近雨雪愆期災異迭見陛下降詔自責躬行祈禱詔
大臣盡言宜上天感激而今乃風霾晝晦沴氣赤而
復黑豈非應天之道有未盡與夫人君敬天不在齋
戒祈禱而已政令乖宜下民失所崇尚珍玩費用不
經後宮無序恩澤不均爵濫施於賤工賞妄及於非
分皆非敬天之道願陛下日御便殿召大臣極陳缺
失而釐革之庶災變可弭時萬妃專寵羣小彘緣進
寶玩官賞冗濫故衆懇言之帝不能用是年遷南京

太常少卿又七年就擢戶部右侍郎尋改右副都御史總督南京糧儲積奇羨數萬石以備荒十七年召爲戶部左侍郎尋署部事英國公張懋等四十三人自陳先世以大功錫爵子孫承繼所司輒減歲祿若有功何以勸賞况頻年水旱國用未充所請不可許事乃寢中官趙陽等乞兩淮鹽十萬引帝已許之榮言近禁勢家鬻鹽詔旨甫頒而陽等輒違犯宜正其罪帝爲切責陽等南京戶部尙書黃錦罷以榮代之孝宗嗣位謝政歸賜月廩歲夫如制九年卒年七十有八贈太子太保賜祭葬

奉明

郭舒字端莊景泰五年進士授行人廉介耿直人不可
干以私嘗使蜀諭祭王贈以金帛不受使於廣布政
張瑄餽藥五十丸歸剖見金卽遺還又奉命邠州
督茶州守餽金以故事請舒曰請自我葺之遷戶部
郎督課廬州諸中貴請乞槩枉不行丁內艱起補工
部郎中出守池州興學勸農省刑息訟以忤直指致
仕歸行橐蕭然家居手不釋卷迹絕公門淡泊以終
林同字進卿天順庚辰進士授工部主事歷戶部郎中
撮錢穀正要作指南錄代者皆以爲便差賑保定饑
擢江南左叅議權貴請托皆格不行弘治庚戌永福

賊起同偕總兵官馬俊禦之賊平陞浙江右叅政督
理糧儲力革宿弊陞廣東布政使條示利病二十餘
事下郡縣行之又勸民行呂氏鄉約及文公家禮年
七十上疏乞骸骨歸同爲人柔外而剛中勇於爲義
嘗請郡縣移建觀瀾書院於文山之麓塑朱子及四
配像仍置祭田以脩祀事捐已鏹作大宗祠以合族
人居官四十年祿入隨散卒之日家無餘貲

陳宏字丕道天順甲申進士拜監察御史視兩浙鹽課
及按淮陽諸郡皆有聲成化閒尋見詔求直言宏與
御史林誠等交章言商輅當康定朝不能保護儲位

願罷輅以謝天譴都御史程信剛愎尙書姚夔黷貨
竝宜賜罷遷湖廣按察司僉事沅江有豪民與人爭
貨產聚黨持兵鼓噪宏按首惡置之法討巨寇封敍
中於洞庭以功擢副使丁母憂卒於家宏剛直敢言
處事詳練權貴憚之

沈源字澄之天順甲申進士授南御史疏薦編脩章懋
爲理學名臣劾郎中陳雲不法事又因天變疏陳脩
德弭災十事皆切時政巡視上江留都諸勲貴怙寵
肆橫源繩以三尺無所顧避勲貴人不能堪連疏詆
源貶廬氏令臺省交章論救不報至廬興學均徭節

費清訟政教大行卒之日百姓哀慕建祠祀之源以
臺諫左遷非其罪有衮職曾無一字補螢窓空讀十
年書清霄步月數圓缺白晝看雲任卷舒之句亦鬱
鬱不得志矣又自詠云明月滿船無意米清風一擔
有圖書其恬澹簡遠可概見也

魏富字仲禮成化丙戌進士授監察御史巡按廣東林
蠻洞變爲厲富廉得不法吏置於理蠻獍皆歸編戶
遷浙江僉事陞副使有縣令爲豪猾所誣同官莫敢
白富直而釋之蕭山諸暨有石塘岸水啣善崩爲砌
以鉅石發粟賑嘉湖寧臺饑存活六萬餘人陞江南

按察使擢右僉都御史巡撫順天時內閣及將領守
臣多操利匿亡互相倚援富部分將領授以成筭畿
內肅然無敢犯者以疾乞歸後起南京大理少卿陞
刑部右侍郎年七十三乞休給驛歸歷任四十餘年
隨事盡職未嘗立異取名而所至輒以譽終

黃熒字敦實成化壬辰進士授玉山知縣邑衝民疲熒
多方撫循流移復業擢南京監察御史丁艱服除改
北臺條官民利病十餘事報聞出按長蘆釐鹺政宿
弊汰墨吏犯法者風采肅然再按雲貴錄以簡靜擢
四川副使母老致仕歸居喪哀毀有羣鳥遶屋之祥

晚年清節益勵足不入府城壽九十五卒

陳惠字啓順成化二年進士授監察御史時御史楊智勅吏部與中官交通帝怒欲置智於理惠疏乞宥直言以開言路智由是得免擢知廣信府以清慎聞衛守壤取小木支撐之曰無以我故勞民傷財巡行屬邑每自齎糧不費民間一錢刊二程文集布郡中爲學者指南三載卒於官祀名宦

林魁字廷元弘治壬戌進士自幼博聞強記落筆有奇氣旣釋褐益肆力墳典授戶部郎大司徒每有疏議咸屬起草武宗欲廢太平倉以賜永壽伯魁具疏力